

卷十二

書名 所見集三十七卷目二卷二集十九卷三集二十一卷
四集十八卷
撰者 清 馬世璜 輯，清 謝奎、王又槐 同輯四集
卷十二
內容分類 史-政書-法令-刑案
索書號 大木-法類-例案-11
編號 B3851700

彩色首頁1

東洋文化研究所漢籍目錄 編號: B3851700

東洋文化研究所漢籍目錄所藏漢籍善本文影像資料庫 索書號: 大木-法類-例案-11

漢籍善本文影像資料庫文本 所見集三十七卷目二卷二集十九卷三集二十一卷四集十八卷

版權所有: 東京大學 東洋文化研究所
使用上的注意事項

杭仁和馬世璜仕仙編 男德錫時若校字
地保扶同捏供不准照本犯收贖之例收贖
乾隆三十七年九月二十二日准
部咨據廣撫德 咨稱新寧縣民梁基瑞竊牛被
差役李信等先後詐逼致梁基瑞服毒身死一案
梁基瑞于乾隆三十五年十一月初六日偷竊何
牧草水牛一隻至黃道瑒家借住捏稱買自墟
道瑒留宿有阮亞長經見初九日梁基瑞將牛

所見集

卷目名例


贖刑



書







挾嫌書寫匿名揭帖復又出名捏稟該管把總部駁改照投匿名文書告言人罪擬絞

題會看得岑溪汛隊目溫經章挾嫌串通兵丁

謝朝等捏稟把總鄒廷秀與梁謝氏通姦一案先據

廣西巡撫吳虎炳咨稱緣溫經章係岑溪縣人在梧

州協左營食糧克撥岑溪汛隊目已歷有年謝朝張

秉才均係岑溪汛兵鄒廷秀係經制把總乾隆四十

一年內撥防岑溪汛該弁束兵嚴厲接待頭目不假

辭色四十二年正月內鄒廷秀派溫經章謝朝修葺

所見集卷十一 新訟

各城門鎗架遲久不依卽將溫經章斥詈工完又不

發價兼曾採買雞鴨茶葉先後差兵張秉才溫經章

之子溫原新挑送至府城該弁家收用復將守隘散

兵鄭有陞撥作管班兼管買辦相待頗優溫經章遂

懷怨望計圖傾陷報復謝朝亦因被詈懷恨張秉才

因派挑馬槽板並塞籬笆二事與鄭有陞爭吵不睦

迨五月二十五日係鄭有陞生辰伊妻周氏向義妹

梁謝氏借衣當錢買備酒餚與夫做壽並留酒饌俟

鄭有陞食畢赴衙門伺候邀請謝氏到家酬情因醉

睡臥比及酒醒城門已閉不能出城回家周氏因伊夫在官值宿卽留謝氏過夜同寢是夜三更張秉才之妻梁氏聞鄭有陞家走動聲忌告知張秉才起視並無影響是晚溫經章往看塘三從鄭有陞門首經過聽聞謝氏在內住宿疑係鄭有陞引誘至家與鄒廷秀通姦欲乘機稟報洩忿又思必須將通姦之事傳揚或令鄒廷秀聞知畏懼挾制卽自造鄒廷秀至鄭有陞家與謝氏姦淫等語於二十七日命伊幼子溫五弟書寫白帖三張謝朝亦恨鄒廷秀張秉才與鄒廷秀情由並稱見謝氏與鄒廷秀通姦已辦下白帖次早丟放城門口令張秉才拾取送給鄭有陞觀看使之稟知鄒廷秀併囑將白帖收藏以便於事發時作據且稟張秉才怕事謝朝亦因謝氏係伊姪女勸勿舉動溫經章意謂具稟都司卽將鄒廷秀叅處了事當令張秉才不必怕事有事伊自担当張秉才謝朝卽各允從二十八日早溫經章用紙包裹白帖丟棄城門口張秉才卽往拾取送與鄭有陞觀看鄭

有陞未知就哀告知帖內所言事無影響囑令持回
銷燬勿致傳揚茲事張秉才將白帖持回交伊妻梁
氏塞在壁縫中溫經章又將帖內詞語暗行吐露使
人傳說鄭有陞聞知疑係張秉才宣揚污蔑卽於六
月十三日稟知鄒廷秀鄒廷秀諭令訪確另稟嗣於
十八日鄒廷秀傳集各兵演習鳥鎗新式張秉才鎗
架不合該弁欲行責處經衆兵求免而散張秉才退
有怨言鄒廷秀聞知憶及鄭有陞前稟淫言卽喚張
秉才至公館跪問造言傳揚帖事張秉才不認欲取

所見集

卷十一

訴訟

三

授匿名文書告

棍責打張秉才畏責跑走鄒廷秀令鄭有陞鎖拿鄭
有陞帶鍊趕至張秉才家張秉才慮干重責卽逃去
城外因鄭有陞尾追情急投水經謝朝撈起背回是
日下午梁氏見夫水淹發昏出街怨罵鄭周氏畱宿
惹事鄭有陞逼迫遂至姦事轟傳溫經章知事已昭
著卽約謝朝赴代書譚作廷處令其照語書稟於六
月二十四日偕赴都司衙門稟報該都司常德已先
有風聞差頭目許坤赴岑密訪謝氏之姑林氏聞知
伊媳謝氏與鄒廷秀有姦羞忿難當卽令伊姪趙忠

赴府告知伊出繼異姓之子左營兵丁梁德令其具呈休妻梁德不及查察亦卽具稟都司常德傳喚弁兵等訊問供詞支吾稟知梧州協副將弁兵暫革名糧稟報督憲委員提犯覆加研訊據供前情確鑿反覆究詰把總鄒廷秀實無與謝氏姦淫情事溫經章等亦並無與鄭廷秀別有嫌怨及另有同謀之人矢口不移似無遁情查隊目溫經章因被本管把總鄒廷秀辱詈輒捏鄒廷秀與兵丁梁德之妻謝氏通姦情事令伊幼子書寫匿名白帖與兵丁謝朝張秉才同謀拾帖傳播又以官姦兵妻與謝朝出名赴都司衙門稟報以圖傾陷報復甚屬刁妄查溫經章雖偽造匿名字帖並未投報到官溫經章除誣稟把總鄒廷秀姦所部之妻按律罪止滿徒輕罪不議外應照將曖昧不明姦贓情事污人名節報復私仇例擬軍溫經章污衊本官情罪較重應發黑龍江給披甲人為奴謝朝張秉才合依為從應減一等杖一百徒三年譚作廷擬杖等因咨部經臣部查律載投貼隱匿姓名文書告言人罪者絞監候註云雖有匿名文書

並無投官確據者不坐此律。語此案隊目溫經章因被本管把總鄒廷秀辱罵，挾有夙嫌，輒捏造鄒廷秀與兵丁梁德之妻通姦，書寫匿名揭帖，令張秉才拾獲，傳播冀圖報復。復將帖內情節出名赴報等情。查溫經章係鄒廷秀本管隊目，乃因挾有夙嫌，憑空捏造鄒廷秀與梁德之妻通姦情事，書寫匿名揭帖，丟放城門，串令張秉才拾獲，送給鄭有陞觀看，并囑令張秉才收藏。事發，伊卽照樣稟報，可作憑據。迨後復以帖內情節出名作稟，與謝朝赴報，將張梁氏所收匿名白帖轉輾查出，送與都司衙門實屬。目無法紀，未便僅照污人名節例擬遣，致滋寬縱。事關生死出入，碍難率覆。應令該撫詳核案情，妥擬到日再議。等因咨駁去後。今據該撫疏稱：提犯覆訊，據供前情不諱。查溫經章挾詈辱之嫌，憑空捏造姦情，匿名揭帖，令張秉才拾獲，傳播冀圖報復。又將帖內情節出名赴報，實與告官無異。前將溫經章照污人名節例擬遣，誠未允協。溫經章應比照投貼匿名文書告言人罪者，絞監候律擬絞。絞監候秋後處決。謝朝、張秉才

聽從傳播合依爲從減一等杖一百流三千里其餘
悉照原擬完結等因具題前來應如該撫所題溫經
章應照投貼隱匿姓名文書告言人罪律擬絞監候
秋後處決該犯匿名揭帖污讒本官實屬險惡應照
例趕入本年秋審辦理該撫旣稱謝朝張秉才聽從
傳播合依爲從減一等杖一百流三千里至配所折
責四十板等語應如所題完結該撫前咨稱代書譚
作廷率爲代作稟詞應照不應重律杖八十折責三
十板革去代書把總鄒廷秀役使張秉才至府往返
四日溫原新往返十二日共計十五日照律每日追
雇工銀八分五釐五毫共應追銀一兩二錢八分二
釐五毫入官鄭有陞並未勾引謝氏通姦其將傳聞
姦淫之語稟告鄒廷秀因事涉已身不容不稟亦非
挑唆滋事應與誤信傳揚遣趙忠往告伊子梁德休
妻之林氏及聽從往告之趙忠并具稟之梁德均請
免議等語均應如該撫所咨完結乾隆四十三年九

月初九日奉

旨依議欽此

所見集

卷十一

訴訟

六

投匿名文書告

六

營書匿名証本鎮短缺錢糧依匿名文書告言
人罪擬絞監候從犯爲奴

雲南督撫富 額 奏切臣富 于本年八月十一
日在署拆閱貴州銅仁府沈丙申報公文印封內夾
有匿名款單雖無違悖字樣而語句含糊字多訛錯
全無文理其意指告鎮遠鎮總兵珠隆阿有短發餉
銀凌虐弁兵等事就此而論係鎮屬弁兵所爲必須
嚴行查究其所開款跡例雖無庸准理但如果屬實
事關係扣剋兵餉于營伍大有關係亦應徹底查明

所見集

卷十一

新訟

七

七

投匿名文書告人罪

廿九

另案泰辦因思鎮遠府蔡宗建與總兵近在同城且
素常辦事認真隨將款單密飭該府訪察該鎮果否
有短發虛兵情事一面查拿匿名寫帖之人具稟並
札知撫臣就近亦行密察督拿審辦以期迅速臣額
接准知會復委該管貴東道尼堪富什渾嚴密訪
察據實稟報去後嗣據該道府查稟總兵珠隆阿爲
人誠實自上年八月到任以來不特整飭營伍遇事
認真散放糧餉稽察尤爲嚴謹兵民憚服實屬毫無
弊竇自係奸徒挾嫌誣砌查銅仁府六月十八日所

發公文各站均係舖司遞送登記號簿職等挨查惟鎮遠縣所屬之白洋舖號簿並未載有前件公文據此逐層根問今究出匿名款單係鎮遠鎮衙門字識謝士傑起意所寫交塘兵陳笏遇有公文拆封裝入後因字跡磨爛陳笏令塘兵王秀義另膽自行折開銅仁府印信封套夾入送交施秉縣舖司轉遞當卽拘獲到案令謝士傑默出款單并令王秀義寫明一紙核對封發原單句語筆跡均屬相同等情隨批飭提來省委員確審詳辦據藩臬兩司督同貴陽府知

所見集

卷十二

一 訴訟

八

投匿名文書告人罪

三

府墻見美審明定擬詳解前來適臣富 遵

旨順道至黔查審控案隨卽會同臣額 提犯親加覆鞫

緣謝士傑承充鎮遠鎮衙門字識本年五月間繕寫文書錯落及傳喚到遲均被該管總兵珠隆阿責處六月初十日撥駐劉家店塘兵陳笏回城珠隆阿查驗馬匹疲瘦飭行訓飭勒限喂養并有再行遲悞卽行責革買馬賠換陳笏旋至謝士傑家探望道及其事彼此俱以珠隆阿用法過嚴心懷怨恨謝士傑遂起意開寫匿名款單令陳笏于遞送公文中報上文

內夾入冀圖傾陷洩忿陳笏應允謝士傑當夜捏造
珠隆阿責革弁兵等款編成十二句寫匿名字紙次
早送交陳笏收藏錢袋携帶回塘嗣于六月二十七
日銅仁府申報院司公文一束由舖遞至鎮遠縣城
該舖司王尙遠轉煩白洋塘兵徐應鳳順帶交與白
洋舖王棟適王棟外出卽交王棟之姪王秀文接收
王秀文誤爲塘遞公文送交掛號塘兵王秀義登簿
陳笏正在主秀義家見係舖遞文件于王秀文去後
將報臣富 衙門印封拆開因錢袋內所存原單被
錢磨爛隨央王秀義另謄并給錢三十二文王秀義
照寫一紙交給陳笏裝入印封依舊封好王秀義勸
阻陳笏以文官舖遞文書將來不能累及止囑不可
聲張卽同各件公文徑送施秉縣在城舖轉遞前途
迨至陳笏回至鎮城告知謝士傑將原稿繳還燒燬
此謝士傑陳笏密商投遞匿名款單王秀義得錢代
謄臨時知情之原委也茲臣等會同提審各據供不
諱臣等以謝士傑身充謄書何以字跡多係訛錯或
其中實有隱指款跡以及該犯別有不法情事并此

外有無商同知情之人再四究詰據謝士傑堅稱所
開款跡本屬捏造又恐語句明順將來事發行查疑
及是我是以改爲隱約訛錯見得是別人做的意思
如今事已敗露如所指果有實跡豈肯轉爲隱瞞實
是被珠本鎮屢次責打心懷抱怨一時起意捏造令
陳笏遇便夾入印封投遞希圖傾陷其王秀義係陳
笏央令謄寫款單事后方知此外實無商同之人及
別項不法情事矢口不移似無遁飾查律載捏造隱
匿姓名文書告言人罪者絞監候等語今鎮遠鎮字

所見集

二

卷十二

訴訟

十

投匿姓名文書告人罪

識謝士傑因貽悞公務被本管總兵珠隆阿責打輒
敢挾嫌捏造短缺錢糧等項重情繕寫匿名款單誣
告本鎮冀圖傾陷實屬不法謝士傑合依匿名文書
告言人罪絞監候律擬絞監候秋後處決陳笏身充
塘兵輒挾本鎮訓飭之嫌聽從謝士傑投遞匿名款
單已屬不法復因原單破爛另行謄寫私拆官封遞
送皆係該犯一人所爲若照爲從例擬流不足蔽辜
應請發黑龍江給披甲人爲奴王秀義于謝士傑造
意捏款誣陷並未與謀但明知傾陷本鎮款單輒敢

得錢膽寫且目擊陳笏裝封投遞匿不首報卽與爲
從無異應于謝士傑絞罪上減一等杖一百流三千
里到配折責安置舖司王尙遠將應送公文倩人順
帶塘兵徐應鳳代爲接遞又悞交塘兵以致該犯等
乘機舞弊均屬怠玩應照不應重律杖八十折責三
十板俱革役革伍餘屬無干先行省釋王秀義所得
陳笏錢三十二文照追入官謝士傑原寫欸單據供
燒燬免其追繳仍飭臬司通行各站嗣後舖遞公文
務須舖司親身遞送毋許輾轉倩人代遞致滋弊竇

所見集

集

卷十二

新訟

十一

投匿名文書告人罪

世三

所有訊明定擬緣由理合恭摺具奏并另繕供單
恭呈

御覽伏乞

睿鑒謹奏乾隆五十六年二月初三日奉

硃批該部議奏欽此

刑部奏查律載投隱匿姓名文書告言人罪者絞監
候等語此案營書謝士傑因貽悞公事被本營總兵
珠責打輒敢挾嫌捏造短發餉銀凌虐弁兵等項
重情繕寫匿名欸單令塘兵陳笏夾入遞送申呈上

司文內誣告本鎮希圖傾陷洩忿實屬不法謝士傑
應如該督等所 奏合依投隱匿姓名文書告言人
罪者絞監候律擬絞監候秋後處決該犯以本營字
識挾嫌匿名誣告本鎮總兵情罪較重應由臣部入
于本年秋審辦理陳笏身充塘兵乃挾本鎮訓飭之
嫌聽從謝士傑投遞匿名款單已屬不法且因原單
破爛另行繕寫私拆官封遞送皆係該犯一人所爲
若照爲從擬流不足蔽辜亦應如該督等所請發黑
龍江等處給披甲人爲奴該督等 奏稱王秀義于

所見集

卷十一

訴訟

十一

投匿名文書告人罪

四

謝士傑造意捏款誣陷雖未與謀但明知係傾陷本
鎮款單輒敢得錢照寫且目擊陳笏拆封裝入投遞
匿不首報卽與爲從無異應于謝士傑絞罪上減一
等杖一百流三千里到配折責安置舖司王尙遠將
應送公文並不親身遞送情人順帶塘兵徐應鳳代
爲接送又誤交塘兵以致該犯等得以乘機舞弊均
屬怠玩應分別革役革伍各照不應重律杖八十折
責三十板餘屬無干先行省釋王秀義所得陳笏錢
三十二文照追入官謝士傑原寫款單據供已經燒

燬免其追繳仍飭臬司通行各站嗣後一切舖遞公文務須舖司親身遞送毋許輾轉倩人代遞致滋弊竇等語均應如該督所奏辦理完結爲此奏

聞伏乞

睿鑒乾隆五十六年二月十九日奉

旨依議欽此

所見集
卷十二
訴訟

十三
投匿名文書告人罪
卅五

兵丁偷拆公文夾入捏告本官揭帖照律擬絞
附請立決奉 旨申飭

閩督伍 閩撫馮 奏竊臣伍拉納接據海澄縣申
報晴雨糧價公文內拆出匿名揭帖一紙係指漳州
城守營把總許登龍包賄之事臣以匿名告訐刁風
固不可長若營弁果有包賄不法亦當嚴行查究當
經密委閩縣主簿談汝霖等前往確查並行漳州府
一體查覆去後嗣據該委員稟報在於府屬地方會
同龍溪縣查出匿名揭帖係坡頭汛兵丁柯大斌干

所見集

卷十二

訴訟

十四

投匿名文書告人罪

灣腰塘乘閒換開文書私行裝入業將柯大斌拿獲
並據漳州府暨委員查明該把總許登龍平日馭兵
嚴緊並無包賄情事先後具覆前來隨飭一併提解
至省行據按察使戚蓼生督同福州府鄧廷輯審明
並令柯大斌當堂默寫字跡語句核對相符定擬招
解前來臣等隨弔犯親鞫緣柯大斌係漳州鎮轄城
守營撥防坡頭汛兼管灣腰塘兵丁因本管把總許
登龍平日管束嚴緊並有同營食糧伊弟柯幅憤悞
操演曾被許登龍責處時懷忿恨起意設法陷害隨

私自捏寫許登龍包賭摺一揭帖一紙藏于身邊欲備乘便投遞使其拖累洩心嗣柯大斌帶領工匠在灣腰塘修理墩臺適該塘廝夫曾苞有海澄縣登申總督衙門公文一角安放桌上往外出恭柯大斌回顧無人卽乘閒襖開將匿名揭帖私行裝入照舊封固曾苞無從覺察隨卽轉遞而散此該兵丁挾忿傾陷之原委也臣等以該犯旣因伊弟柯幅被責懷恨是柯幅斷無不知情同謀之理併以該把總果無包賭情事該犯何敢遽行捏造亦恐事非無因再四嚴

所見集 卷十二 詐訟

十五 投匿各文書

詰據柯大斌堅供委正該犯一人因許登龍平日管束嚴緊起意捏造揭帖乘間私拆公文裝入投遞柯幅偶被責打並不同其一處實無知情商謀並稱所指許登龍包賭本係平空架捏以備拖累洩忿若果有其事何肯反替隱瞞不行實証等語再三究詰矢口不移併核之漳州府並委員查稟相符似無遁飾查律載投隱匿姓名文書告言人罪者絞監候又舖兵遞送公文拆動封者一角杖六十等語今柯大斌係該把總許登龍所轄兵丁輒因平日約束嚴緊並

挾責處伊弟之嫌胆敢捏造匿名揭帖私拆公文裝
入投遞情殊可惡若僅擬絞候不足示懲柯大斌應
依律擬絞請

旨卽行正法以昭炯戒遞夫曾苞雖究無知情同謀但於
遞送公文不行小心看管致滋弊端亦未便僅依拆
動原封計角科斷應先於該塘枷號三個月滿日折
責四十板革役把總許登龍訊係被誣應毋庸議柯
幅究無知情併免提質揭帖塗銷除備錄供招咨部
外所有臣等審明定擬緣由謹合詞恭摺具 奏伏

所見集 卷十一 一 訴訟

十六 投匿名文書告人罪

祈

皇上睿鑒勅部核覆施行謹 奏乾隆五十七年五月二

十日奉

上諭伍拉納等奏查獲私拆公文投入匿名揭帖誣告本
管管弁之兵丁柯大斌定擬絞罪請旨卽行正法一摺
所辦過當此案柯大斌因小管把總許登龍平日管
束嚴緊併有同管食糧之 柯幅因情誤差操會被
許登龍責處柯大斌挾嫌 爲許登龍包賄匿名揭
帖一紙私行裝入公文投遞 總督衙門以圖拖累洩



忿經該督等審出實情從重問擬但此等案犯非若
洋盜行劫兇殺事主及連斃多命情罪重大決不待
時者可比該督等照例問擬絞候由部入于本年秋
審情實勾決亦不過暫緩數月乃該督輒請卽行正
法致與洋盜重犯漫無區別殊屬非是外省辦理讞
獄非失之不及卽失之太過大率類此除將原摺交
部核擬外伍拉納浦霖着傳旨申飭欽此

誣告平人因而致死擬流部駁改擬絞候

刑部題會看得陽湖縣民何雲成誣指莊和尚等行竊妄扳殷胥氏寄贓并殷胥氏投河身死一案先據江蘇巡撫楊魁咨稱緣何雲成與何廷隆係同堂弟兄比鄰居住村鄰殷胥氏夫故孀守依弟胥阿德同居度日有乞丐莊和尚王丫頭棲住該村觀音菴內與胥阿德并伊姊殷胥氏認識乾隆四十年十二月二十六日夜何廷隆家被賊竊去衣物何廷隆邀約何雲成堂姪何方明帮同訪緝行至觀音菴門首見莊和尚王丫頭在彼莊和尚因曾行竊曹鳳沅家被獲脫逃現聞何廷隆失竊慮被盤詰卽欲走避何雲成見其形跡可疑卽上前將莊和尚王丫頭扯進菴內解王丫頭束腰搭包將莊和尚王丫頭之手拴縛柱上追問曾經行竊何廷隆家莊和尚先不承認何雲成卽取菴內明櫬毆打莊和尚臂手莊和尚負痛混認夥同王丫頭行竊迨追贓物下落卽誣指寄存胥阿德家何雲成復向王丫頭追問王丫頭畏其毆打亦附和認竊何雲成令何廷隆看守白同何方

明至胥阿德家索取原贓胥阿德答未受寄搜查並無贓據何雲成回菴復向莊和尚詰問莊和尚恐改口被打仍以想被藏過之言搪塞何雲成卽喚至胥阿德面質莊和尚等恐難掩飾改稱贓交姊殷胥氏之手胥阿德回家復同姊胥氏至彼質對莊和尚等慮恐不認又被毆逼仍執前詞胥氏爭辯何雲成聲言一并解官追究胥氏情急啼哭回家何雲成卽同何廷隆雇船載送莊和尚等入城稟解途遇莊正陽於十二月二十六日夜因亦被竊追賊未獲拾有贓

所見集

卷十二

新訟

十九

証告

八

衣十五件查非已物貼紙招認何廷隆等卽同往認均係伊家被竊之物卽欲取回莊正陽先交五件餘稱俟呈縣交領何廷隆等隨惶莊和尚等所竊之贓莊正陽追趕拾獲指匿等情將莊和尚等稟捕詳解詎殷胥氏因被莊和尚等誣賴寄贓聽聞何雲成已將莊和尚等解官畏累情急於二十八日早乘間投河殞命報縣驗訊究晰前情王丫頭何廷隆先後病故復提犯審鞫供認不諱查何雲成並不察明虛實混將莊和尚等誣拿拷打以致被逼妄認并板及胥

氏寄賍致成人命該犯實爲此案禍首惟是殷胥氏寄賍之處係屬莊和尚畏打混扳並非何雲成圖詐串囑與誣告人因而致死者有閒何雲成應比依捕役誣良嚇詐逼認因而致死擬絞例量減一等杖一百流三千里莊和尚妄扳殷胥氏寄賍致成人命亦屬不合但究因何雲成誣指爲竊拷打逼認以致畏毆混指並非無故憑空誣陷應照不應重律杖八十等因咨部前來查律載誣告人因而致死者絞監候等語此案何雲成因堂弟何廷隆家被竊衣物邀伊

所見集

卷十二

誣告

二十

九

帮同訪緝見乞丐莊和尚王了頭情形可疑妄行捉獲輒於私家拴縛毆打以致莊和尚等被毆情急認竊並妄指賍交殷胥氏之手比殷胥氏當面質對何雲成復以一并解官之語恐嚇是何雲成誣竊私拷逼扳恐嚇情罪已屬顯然迨被失之原贓已獲可知莊和尚等俱非本案正賊猶復匿情將莊和尚等交捕稟解致令殷胥氏聽聞何雲成已將莊和尚等解官畏累投河身死王了頭拖累病斃其爲誣良傾陷致斃人命更無可疑正與誣告人因而致死之律相

符不應如該撫所咨比依捕役誣良嚇詐致死例量
減擬流應將何雲成改依誣告人因而致死者絞律
擬絞監候秋後處決餘應如所咨完結乾隆四十
一年十一月初三日奉

旨依議

所見集

卷十一

誣告

二十一

誣告



挾嫌誣控纂輯縣誌載入碑傳詩句詞語狂悖
外照謀叛定擬部改照誣告叛逆斬 候

刑部奏據福撫楊 奏福建海澄縣民周鏗聲挾嫌
妄控葉廷推纂輯縣志載入碑傳詩句詞語狂悖一
案先據漳州府知府黃彬稟報經臣飛飭該府親詣
搜查有無不法字跡併提訟案解犯至省審辦一面
恭摺具奏欽奉

諭旨令將誣控之周鏗聲一犯審明按律定擬具奏其葉
廷推等無辜之人卽行省釋毋庸究問等因欽此欽

所見集

卷十二

訴訟

三

誣告

七

適當將葉廷推等分別咨行免提省釋旋據漳州府
知府黃彬查明周鏗聲家內並無不法字跡將該犯
同訟案解省臣隨督同司道親加研訊緣周鏗聲與
葉廷推同村居住乾隆二十四年周鏗聲承買周澤
奎嶼山園下臨海泊海中所產蠔螺向聽附近居民
採取周鏗聲藉園圖佔卽在彼造屋遇採抽分通鄉
怨忿被葉廷推之故兄葉鼎章控縣經前任海澄縣
知縣陳鏜訊明將周鏗聲杖責山園斷令周澤贖回
房屋拆毀海泊仍聽居民採捕勒石示禁周鏗聲從

此懷恨欲圖報復近見出示查繳違碍書籍因葉廷推曾祖葉逢春經商爲業常以小惠周濟里黨當明季海氛未靖鄉中無賴依賊爲寇內有知葉逢春者相戒不入其鄉鄉人感之順治四年立碑於大觀山麓鰲峯廟中碑內有魯仲連掛難解紛之語周鏗聲曾記讀過國策遂指爲有心隱刺又乾隆二十五年該縣相延江西進士鄧祚來修輯縣志葉廷推係分纂鄧祚來復爲葉逢春立傳稱其輕財仗義併會赴賊船金鼓相迎有受恩久不酬之語卽爲葉逢春通

所見集

卷十二

訴訟

二十三

誣告

七

賊實據又碑載葉逢春生大觀京口志載大觀鄉無京口二字輒疑石碑亦有改刊併憶左傳內有今京不度非制之語且以志載鄧祚來贈葉廷推詩有誰誇南面雄瑤林繁玉種二句不應擅用並斥葉廷推爲侈心不守臣節復添捏葉廷推未舉優貢時曾發學戒飭及修志悞寫節婦年歲控案指爲素行有虧併將乾隆四十四年該縣

文廟城隍廟被風吹損周鏗聲捏爲神靈震怒一併摺列入詞自行書寫投遞經漳州府知府黃彬飭縣前

往周鏗聲葉廷推家內查無不法字跡並赴贛察
中勘明石碑係屬舊鐫實無改刊茲提犯反覆究訊
據周鏗聲將挾嫌誣控希圖陷害各情供認不諱併
令默寫呈底核對相符嚴究並無知情同謀之人矢
口不移似無遁飾將周鏗聲依謀叛律擬斬立決伊
子周荷等擬給功臣家為奴財產入官等因具奏前
來查律載凡謀叛者不分首從皆斬妻妾子女給功
臣之家為奴財產入官又例載誣告叛逆被誣之人
已決者誣告之人擬斬立決未決者擬斬監候俱不

及妻子家產各等語是本犯斬決妻子緣坐財產入
官係實犯謀叛之專條若誣告叛逆之案自當分別
被誣之人已決未決按照本律辦理此案周鏗聲因
挾葉廷推故兄葉鼎章控責之嫌將葉廷推修輯縣
志勦用腐爛舊句碑傳詩詞藉詞誣控係屬誣告叛
逆與實犯叛逆者不同自應仍以本律科斷周鏗聲
不應如該署撫所奏照謀叛律擬斬立決應改照誣
告叛逆被誣之人未決例擬斬監候仍入于本年秋
審情實辦理至該犯家屬緣坐及財產入官之處亦

係實犯叛逆之律與誣告叛逆之例不符均毋庸議

乾隆四十七年三月二十九日奉

旨依議

所見集二

卷十一 誣訟

三十五 誣告

十四

誣告書辦浮開冒賑武生亦發遣爲奴書辦於
災賑重務營私受賄發極邊烟瘴克軍

臣福 臣杜 臣閔 臣永 跪奏爲審擬具奏事
竊照清河縣民劉光文等控告縣書王立本杜秀峯
冒銷賑銀一案經臣等會同審訊劉光文黃東鴻李
枚所控浮冒戶口之處毫無確據王立本杜秀峯先
後得受賄錢十一千文屬實業將查訊情形及現在
前赴各鄉查勘各緣由先行恭摺奏蒙

聖鑒在案當經派出隨帶司員及江南隔省之道府大員

所見集

卷十二

訴訟

五

五

卽日前往分頭履勘臣福 永 等復帶印冊親赴
各鄉按冊抽查將所報散賑各戶詳加核對實無浮
冒並就近詢問曾經食賑之年老男婦所稱領賑人
口數目悉與冊內符合並無剋扣業經取具各鄉保
切實甘結實無捏報浮開情事臣杜 於十五日已
抵清江臣等隨提集各犯嚴訊緣劉光文係清河縣
永興鎮人乾隆四十六年該鎮雨水較多該犯因向
縣書王立本央求辦賑當卽賄給錢五千文後經印
委各員勘不成災四十七年復央求縣書杜秀峯報

災領賑賄給錢六千文後亦因災分甚輕爭吵索取
錢文又聞得王通蔣德著等有控告王立本杜秀峯
之案隨捏開冒賑各情乘該縣公出欄與稟究該縣
當卽查訊毫無指實加以掌責劉光文心懷忿恨隨
捏寫呈詞赴巡撫衙門控告適有寄居清河縣之黃
東鴻因上年三月與杜秀峯閑談說起劉光文控告
賑務一事黃東鴻口稱杜秀峯若果辦賑無弊何致
被人控告杜秀峯嗔與口角黃東鴻亦卽照劉光文
呈詞赴縣具控因訊無確據亦被掌責旋於寶應地
所見集

集

卷十二

訴訟

二十七

証告

去

方會遇劉光文各敘前情劉光文卽邀同往巡撫衙
門控告計圖挾制黃東鴻應允遂前赴蘇州連名具
控經撫臣飭司查審行令該府提犯審辦該犯等因
所控均非確實恐府司提審受累本年二月

聖駕南巡已至山東該犯劉光文黃東鴻遂商同趕至鄉
子花園欲赴

行在控告又遇永豐鎮居住之武生李枚亦因該鎮兩
次俱未辦賑疑係書吏杜秀峯舞弊起意詭詐分肥
亦將杜秀峯冒賑情事控縣被斥赴總督衙門控告

批府審辦該犯李枚恐審出虛誣仍思狡展又恰遇
劉光文黃東鴻二犯彼此素識商同捏控希圖人多
聳聽沿途探聽提督衙門至蘇州地方一同具呈控
告此劉光文黃東鴻李枚扶同妄控之實在情形也
臣等查該犯劉光文等所控浮開戶口數目既無指
實復分查戶口又實無浮冒情弊則該犯等屢次瀆
控必另有唆使之人至承辦書吏王立本杜秀峯因
何得受劉光文錢文復不爲之辦賑且於未經辦賑
之處尚得有賄賂則此外辦災各鎮亦必有婪索情

事嚴加究詰加以刑訊據劉光文供我因永興鎮被
水原輕藉囑縣書之名向各村衆歛錢每次歛得錢
六七千文除給付王立本杜秀峯外尚稍有餘潤且
希冀若能辦成可圖村衆感謝不想災不能辦又未
能得錢致村衆每多埋怨我實在無顏愈加忿懣是
以捏開浮冒戶口同黃東鴻李枚三人一同具控妄
冀邀准今蒙查勘賑過戶口悉與印冊相符實無可
置辯我已犯誣告重罪若有唆使之人豈肯不據實
供出轉替人受罪的理又據王立本杜秀峯供永興

一鎮因不成災是以劉光文先後賄給錢文私懇報賑我等一時糊塗應允原想著委員踏勘時或可詳辦此項錢文便可樂得收受實係罪無可逭至此外應賑地方皆據報印委各員親自查勘復經府道司院層層核實酌定放賑我等實無從作弊其被災之戶均係失業貧民實亦無可需索現已將劉光文賄囑錢文據實供認何敢復有支飾等語臣等路經永興鎮查勘該處情形並傳訊士民僉稱四十六七年該處被水實不成災其劉光文斂錢情事亦與該犯

所見集二

卷十一

訴訟

二十九

誣告

六

所供脗合反覆究詰矢口不移似無遁飾查劉光文所住永興鎮地方被水並未成災輒斂錢賄囑縣書希圖給賑迨所欲不遂復將冒賑重情捏詞具控不候地方官審斷胆敢約同黃東鴻等赴提督衙門瀆控刁健已極查該犯所控王立本杜秀峯浮開戶口冒銷賑糧如果屬實計贓應斬今審屬虛誣劉光文合依誣告人死罪未決律杖一百流三千里加徒役三年從重改發伊犁給厄魯特爲奴李枚身係武生因永豐鎮勘不成災未經報賑輒誣捏縣書冒賑情

節希圖訛詐分肥復赴

行在重地架詞妄控亦復非尋常誣告可比李枚應革去武生一併從重發伊犁克當苦差黃東鴻因杜秀峯口角微嫌輒聽從劉光文扶同捏控亦屬刁詐黃東鴻應照誣告人死罪未決律杖一百流三千里加徒役三年仍各枷號三個月於犯事地方示衆滿日再行分別發遣俾刁徒知所做惕戶書王立本杜秀峯承辦賑務明知永興鎮不應報災胆敢私受錢文雖未經詳辦並現在查明別無浮開戶口情弊但該

所見集

卷十二

訴訟

三十

九

犯等於災賑重務營私受賄有高下其手之見劉光文之藉詞上控皆由該二犯婪索所致未便稍爲寬縱王立本杜秀峯僅依蠹役詐贓十兩以下擬以杖徒不足蔽辜應從重卽照蠹役恐嚇索詐十兩以上例發近邊克軍仍於縣署前枷號兩個月示衆滿日再行發遣其失察王立本杜秀峯受賄之地方官並約束武生不嚴之教官等應候

命下移咨吏部查取職名分別察議其案內人証王通蔣德著等先經控告業據地方官照例完結應毋庸議

所有臣等遵

旨審擬緣由理合恭摺具奏伏乞

皇上睿鑒勅部核覆施行再宿遷縣生員張漢拔控告胡朝俊等一案現在提集人犯審訊張漢拔所控浮開戶口各情節亦未能指實但事關冒賑重情必須詳加履勘核對報賑原冊方可定案臣等拜摺後卽帶同司員馳赴宿遷縣地方查勘戶口就近審辦合併陳明謹奏乾隆四十九年四月十一日奉

上諭福康安等奏審擬清和縣民劉光文等控告縣書王

所見集

卷十一

二 訴訟

三 王

証告

二十

立本杜秀峯冒銷賑銀一案審屬虛誣將劉光文依誣告人死罪未決應擬杖流律請從重改發伊犁給厄魯特爲奴武生李枚一并從重發往伊犁克當苦差等語所擬未爲允協李枚身係武生理應安分守法乃因永興鎮勘不成災未經報賑輒誣捏縣書冒賑情節架詞妄控希圖訛詐分肥其罪與劉光文相同該犯名列膠庠非平民可比情節尤屬可惡尚當較常犯加倍治罪乃福康安等於劉光文旣擬以發遣爲奴而於李枚則定以克當苦差罪同異罰明係

因李枚身為武生稍從實減殊屬寬縱福康安杜玉
林閔鶚元永保俱著飭行至縣書主立木杜秀等於
災賑重務輒敢營私受賄亦非尋常蠹役詐贓可比
擬以近邊克軍尚不足敵辜應加重發極邊烟瘴克
軍仍枷號兩個月示衆滿日再行發遣餘着行在該
部議奏摺併發欽此

生員代作詞狀情詞訟棍奉旨改發新疆爲
奴教職議處

雲督富撫劉奏竊查雲南鎮雄州民廖文明吳國元赴

京控告二案業經臣等遵

旨秉公確審原控情詞均屬虛誣究出州民熊應祥代作
詞狀卓之懷膽寫因鎮雄距省寫遠提解需時當將
誣控本案分別定擬聲明熊應祥等俟拿解到日另
行審明辦理等因奏蒙

聖鑒在案臣等隨飭司飛機查拿務獲解究不得稍有延

所見集集卷十一訴訟三十三教唆詞訟

縱去後茲據藩司費署臬司特糧儲道永詳

稱行據鎮雄州緝拿熊應祥卓之懷二名又同廖文
明進京之王世碧現回原籍一併拿獲併於熊應祥
搜獲吳國元原立欠銀字約差解到省遵卽提集研
訊緣熊應祥係鎮雄州生員訓蒙度日與廖文明鄰
居交好廖文明希圖歛錢在本省告免銅運審擬枷
責因挾紳衿耻辱之嫌冀圖捏控拖累隨怨恣林虞
現之母奏給盤費赴京具控遂浼熊應祥代作呈詞
該犯卽照歷次控詞代作狀稿又另案吳國元與隴

如岱爭控田地未得亦欲進京具控廖文明約與同行并央熊應祥作詞許銀二十兩熊應祥貪得謝禮允爲代作吳國元當憑王綸曹國良寫立欠約交其收存言明告准後如數付給嗣廖文明即將呈稿令教讀伊子之卓之懷胎寫又向林虞現之母廖氏騙得盤費銀兩於九月開起程廖氏救子情切恐廖文明中途逗遛又令其婿王世碧隨行進京廖文明吳國元到京遞詞後卽解滇查審究出前情飭據鎮雄州緝獲熊應祥卓之懷併將已經回籍之王世碧一

所見集

卷三

十一

訴訟

三

教唆詞訟

三

併拿獲解省審認不諱再四究詰此外並無代作呈狀情事將熊應祥卓之懷王世碧等分別擬以軍杖錄供詳報前來臣等查熊應祥身列青衿明知廖文明告欵虛捏乃輒代爲作詞且貪圖謝銀復爲吳國元代寫呈狀實屬不安本分查例載代人捏寫本狀奏告重罪不實並全誣十人以上者發近邊克軍等語今熊應祥爲廖文明吳國元代作呈詞雖無教唆情事但廖文明呈控侵吞科歛重欵盡屬虛誣且又牽連多人廖文明已從重擬發新疆爲奴熊應祥亦

未便輕縱除吳國元許謝銀兩尚未接受輕罪不議
外能應祥革去生員合依代人捏寫本狀奏告重罪
不實并全誣告十人以上例發近邊克軍到配折責
四十板卓之懷代廖文明勝寫呈詞王世碧隨同進
呈均屬不合各照不應重律杖八十折責三十板吳
國元所許謝銀二十兩雖未交付業已立有欠約應
照例於吳國元名下照追入官至該管教職於能應
祥貪賄作詞毫無覺察例有處分除飭司查取職名
另行咨部議處外所有審擬緣由理合恭摺會奏併
另繕供單敬呈

所見集

卷十二

訴訟

三五

教唆詞訟

廿四

御覽伏祈

皇上睿鑒勅部核覆施行謹奏乾隆四十九年六月二十

日奉

上諭據富綱等奏審擬鎮雄州民廖文明赴京捏控侵吞
科歛各案因究出生員熊應祥得賄代寫詞狀等情
革去生員發近邊克軍等語熊應祥身列青衿輒敢
貪圖謝銀虛控欵蹟代作呈狀情同訟棍實屬無恥
不堪僅發近邊克軍不足蔽辜熊應祥著與本案越

控之廖文明一併發往新疆爲奴餘仍著該部議奏
摺併發欽此



所見集二
卷十一
新詔

三
教

武生包攬教唆恃衿咆哮未經詳革杖責致死
議處止於降留不應叅革

湖廣總督特 湖北巡撫李 奏十一月三十日接
准乾隆四十九年十一月二十三日奏

上諭據李綬叅奏署竹谿縣知縣張其章因武生陳夢龍
包攬教唆審訊時又恃衿咆哮將該生杖責致斃請
將張其章革職一摺細核此案情節陳夢龍名列膠
庠理應安分守法乃因同族陳能申佃種趙雲開山
地主使陳能申抗欠不完及趙雲開赴縣具控恃衿

所見集

卷十一

訟

二十七

教唆詞訟

共

挺身具訴又因李元吉欠方秀萬錢文該生代作詞
稿教唆方秀萬告狀牽控行戶該署縣拘提審訊竟
敢倚恃生員咆哮不服種種恣肆似此包攬教唆滋
事抗欠之劣生本有應得之罪與尋常濫刑者不同
惟該署縣不俟通詳褫革遽行杖責之咎實在於此
然亦不過交部議處止於降留尚不至革職倘該署
縣於經手倉庫事件或別有虧那情弊自當叅革審
擬李綬原摺着暫行存記著傳諭特成額李綬查明
據實奏到後再行交部核辦欽此臣等跪讀之下仰

見

皇上整飭刁風無微不至伏查陳夢隴身列膠庠不知安分守法乃主使陳能申抗欠趙雲開佃租及趙雲開赴縣具控恃衿挺身具訴又復代方秀萬作詞教唆牽控行戶該署縣拘審搜出詞稿乃敢咆哮不服似此包攬教唆恣肆之劣生本有應得之罪該署縣張其章杖責致斃誠如

聖諭與尋常濫刑斃命者不同不過交部議處止於降留臣李 前因該署縣不俟通詳褫革遽將陳夢隴杖責致斃遂卽奏參革職茲蒙

所見集

卷十一

訴訟

二十六

教唆詞訟

七

聖明指示臣李 自知辦理拘泥嗣後惟有遇事益加審慎以仰副

聖主權衡悉當之至意至該署縣額征錢糧一千一百二十八兩七錢早據征解額貯倉穀五千三百八十四石二斗四升本年糶借一千二百石尚存四千一百八十四石二斗四升臣等到任之始先後飭令隔屬道府遍行盤查現在歲底復據布政使取具該管道府盤察印結申賚俱無虧缺委無別項情弊理合據

實覆奏伏乞

皇上睿鑒臣等謹奏乾隆五十年二月初六日奉

硃批覽欽此

所見集

卷十一

訴訟

三十九

敘唆詞訟

廿六